

# Cenni Di Vita

Il suffit parfois de poser son regard sur les choses les plus simples de la vie de tous les jours, pour y voir des images d'une poésie infinie.

Un bracciu chî ci s'avvinghje  
Quando l'amore c'inguccia  
A pratellina chî sbuccia  
Un filu d'acqua chî finghje

U muscu di ghjemma nova  
U cantu losciu d'un fiume  
Un nidu cù cinque piume  
È un'acella chî cova

Un nizzulime nucente  
Un veculu chî trinneca  
Ch'una mamone azzeca  
Cù a nanna ch'omu sente

Una nivaghja chî scola  
Fendu cresce a vadina  
Una voce zitellina  
Ind'un'accinta di scola

L'omacu d'un fumaghjolu  
L'alba d'un scuru ch'ingringa  
Un versu chî ci s'azzinga  
L'apa nant'à u tigliolu

Soprà a porta fiurita  
A lumera chî vacilla  
U pichju di qualchi squilla  
Sò tutti cenni di vita

L'omacu d'un fumaghjolu  
L'alba d'un scuru ch'ingringa

Un versu chì ci s'azzinga  
L'apa nant'à u tigliolu

Soprà a porta fiurita  
A lumera chì vacilla  
U pichju di qualchi squilla  
Sò tutti cenni di vita

Ghjuvan Petru Ristori \ Stéphane Ancey  
Vitalba